



PLANT YNG NGHYMRU
CHILDREN IN WALES

GWEITHIWR YMGYSYLLTU CYMRU IFANC

Pecyn Ymgeisio

childreninwales.org.uk

Cyflwyniad

Teitl y Swydd:	Gweithiwr Ymgysylltu Cymru Ifanc
Yn Adrodd i'r:	Uwch-swyddog Cyfranogi
Lleoliad:	Caerdydd – gweithio'n ystwyth o'ch cartref neu yn y swyddfa gyda chyfarfodydd misol o leiaf wyneb yn wyneb yng Nghaerdydd.
Oriau Gwaith:	21 awr yr wythnos (rhan-amser)

Rydym wedi ymrwmo i ddarparu gwasanaethau sy'n croesawu amrywiaeth ac yn hybu cyfle cyfartal. Seiliwyd hynny ar Ddeddf Cydraddoldeb 2010 a glynir at y drefn honno ym mhob cam o'r broses recriwtio.

Gwyddom fod amrywiaeth yn meithrin creadigrwydd ac arloesedd. Rydym wedi ymrwmo i gynnig cyfleoedd cyfartal, bod yn deg a chynhwysol a bod yn rhywle sy'n croesawu pawb.

Gan hynny, rydym am annog ceisiadau yn arbennig gan ymgeiswyr sy'n debygol o fod wedi'u tangynrychioli yng ngweithlu Plant yng Nghymru. Mae hynny'n cynnwys pobl o gefndiroedd Du, Asiaidd a lleiafrifoedd ethnig, pobl ag amhariad neu gyflwr iechyd, beth bynnag fo'u cyfeiriadedd rhywiol, crefydd neu gred, a phobl ifanc o dan 25 oed.

Ein panel recriwtio fydd yn llunio'r rhestr fer ar gyfer y cyfweiliad. Ni fyddant yn gweld eich manylion cysylltu nac unrhyw wybodaeth cyfle cyfartal. Bydd yr wybodaeth a gafwyd gan ymgeiswyr aflwyddiannus yn cael ei chadw'n ddiogel am gyfnod o 1 flwyddyn, ac yna'n cael ei dinistrio heb ei datgelu.

I arbed costau, dim ond trwy e-bost y gallwn gydnabod ein bod wedi derbyn eich cais.

Os llwyddwch i symud ymlaen i gyfweiliad, cewch wybod trwy'r cyfeiriad e-bost a roddwyd i ni.

Y dyddiad cau ar gyfer cyflwyno ceisiadau yw 9am ar 6 Awst 2024

Cynhelir y cyfweiliadau ar 12 neu 13 Awst 2024

Gwybodaeth Bellach

Contract:	Cyfnod penodol tan 31 Mawrth 2025 gyda phosibilrwydd o estyniad
Oriau Gwaith:	21 awr yr wythnos
Graddfa Gyflog:	£26,000 y flwyddyn pro rata
Gwyliau Blynyddol:	25 diwrnod y flwyddyn pro rata
Dull Talu:	Telir cyflogau'n uniongyrchol i'r cyfrif banc a enwebwyd gan yr aelod o staff ar y 15fed o bob mis
Pensiwn:	Caiff cyflogeion Plant yng Nghymru eu cofrestru'n awtomatig ar Gynllun Pensiwn y Gweithle, ond gallwch ddewis optio allan.
Gweithle:	Gweithio hybrid o'ch cartref neu yn ein swyddfa yng Nghaerdydd – Parc Ymchwil Gwyddorau Cymdeithasol Prifysgol Caerdydd (SPARK), Spark, Heol Maindy, Caerdydd, CF24 4HQ, y Deyrnas Unedig ac mewn digwyddiadau achlysurol ledled Cymru

Lluniwyd yr wybodaeth amgaaedig i roi darlun llawnach i chi o ofynion y swydd a gwybodaeth am Plant yng Nghymru.

Lluniwyd y disgrifiad swydd i grynhoi'n glir gwmpas a chyfrifoldebau'r swydd, a dylech ei ddarllen yn drylwyr. Diben y fanyleb person yw nodi, mor fanwl gywir â phosibl, y sgiliau, y profiad a'r wybodaeth sy'n ofynnol er mwyn i ymgeiswyr fedru bodloni gofynion y swydd. **Mae'n hanfodol eich bod yn darllen hyn yn ofalus ac yn rhoi sylw i'r meini prawf a geir yn y fanyleb person yn eich cais.** Os na wnewch hynny, bydd gennych lawer llai o gyfle o gael eich dewis ar gyfer cyfweiliad.

Rydym yn annog ceisiadau gan bobl sy'n teimlo nad ydynt yn bodloni'r holl feini prawf hanfodol yn y fanyleb person, ond sy'n llawn chymhelliant, yn credu'n angerddol mewn hyrwyddo hawliau plant, ac yn teimlo y gallant gael effaith gadarnhaol ar ein gwaith.

Disgrifiad Swydd

Teitl y Swydd:	Gweithiwr Ymgysylltu Cymru Ifanc
Yn adrodd i:	Uwch-swyddog Cymru Ifanc
Lleoliad:	Caerdydd – gweithio'n ystwyth o'ch cartref neu yn y swyddfa
Oriau Gwaith:	21 awr yr wythnos

Prif ddiben y rôl:

Cefnogi tîm Cymru Ifanc, Plant yng Nghymru i annog plant a phobl ifanc i ymgysylltu â rhaglen Cymru Ifanc. Bydd hyn yn cynnwys cefnogi'r Swyddogion Datblygu mewn cyfleoedd cyfranogi megis cyrsiau preswyl, hwyluso byrddau cynghori mewn meysydd polisi allweddol a chefnogi'r tîm â gwaith ymgynghori ehangach er mwyn sicrhau y caiff hawliau plant eu hyrwyddo a'u cynnal yng Nghymru a bod pobl ifanc yn cael cyfleoedd ystyrlon i ddweud eu dweud ar faterion sy'n bwysig iddynt.

Prif ddyletswyddau a chyfrifoldebau:

- Cefnogi datblygiad cyffredinol Rhaglen Cymru Ifanc er mwyn sicrhau bod lleisiau plant a phobl ifanc yn cael eu clywed ar faterion sy'n effeithio arnynt.
- Ymgysylltu ag ystod o bartneriaid a rhwydweithiau i sicrhau bod rhaglen Cymru Ifanc yn wirioneddol hygyrch a chynhwysol i holl bobl ifanc Cymru
- Cefnogi'r gwaith o gynllunio a chyflwyno cwrs preswyl Cymru Ifanc a gŵyl flynyddol Cymru Ifanc.
- Cael cyfle i arwain prosiect neu ffrwd waith
- Cynhyrchu newyddlen bob deufis ar gyfer cynulleidfa eang mewn cydweithrediad â'r Tîm Cyfathrebu
- Cyflawni dyletswyddau gweinyddol craidd ar gyfer tîm Cymru Ifanc gan gynnwys trefnu teithiau ar ran Gwirfoddolwyr Cymru Ifanc a llety ar gyfer digwyddiadau.
- Cyflawni tasgau cofnodi, monitro a gwerthuso, a chyfrannu at y diweddariadau a'r adroddiadau sydd eu hangen ar swyddogion Llywodraeth Cymru
- Mynychu ystod o gyfarfodydd a digwyddiadau yn ôl y gofyn a rhoi adborth i dîm Cymru Ifanc
- Cynnig cymorth â datblygu adnoddau ehangach ar gyfer tîm Cymru Ifanc
- Cynorthwyo'r gwaith o gynllunio a chyd-hwyluso sesiynau gyda phobl ifanc, gan gynnwys cysylltiad uniongyrchol â phlant a phobl ifanc yn ôl y gofyn
- Cynorthwyo â chynllunio digwyddiadau, gan gynnwys llunio asesiadau risg cychwynnol
- Cyflawni'r holl dasgau uchod yn unol â nodau, gwerthoedd ac amcanion strategol Plant yng Nghymru, gan roi sylw penodol i Gonfensiwn y Cenhedloedd Unedig ar Hawliau'r Plentyn (CCUHP) a Pholisïau Amddiffyn Plant
- Cyfrannu'n llawn yng ngweithgareddau'r sefydliad, ac ymgymryd ag unrhyw dasgau eraill ar gais y rheolwr perthnasol

Nid yw'r rhestr hon yn cynnwys popeth, gan y gall fod dyletswyddau a chyfrifoldebau eraill y mae Plant yng Nghymru yn gofyn bod deilydd y swydd yn eu cyflawni o bryd i'w gilydd, gan gyfrannu at gyflawni gweithgareddau'r sefydliad.

Manyleb Person

Gofynion Allweddol - Hanfodol:

- Profiad o weithio neu wirfoddoli gyda phobl ifanc
- Profiad o weithio mewn tîm sy'n cefnogi pobl neu brosiectau yn effeithiol trwy gynhyrchu gwybodaeth, data neu waith ymchwil da.
- Profiad o weithio fel rhan o dîm a gweithio ar eich menter eich hun.
- Ymwybyddiaeth o ddull gweithredu sy'n seiliedig ar Hawliau Plant.
- Ymwybyddiaeth o ddiogelu ac ymrwymiad i ddysgu a datblygu'n barhaus yn y maes hwn.
- Diddordeb mewn meithrin profiad o ddatblygu cydberthnasoedd gwaith cadarnhaol gyda phartneriaid allanol er mwyn cynyddu cwmpas a gwelededd gwaith Cymru Ifanc
- Sgiliau ardderchog o ran ymwneud ag eraill a'r gallu i weithio gydag ystod eang o bobl gan gynnwys plant, pobl ifanc, rhieni/gwarcheidwaid, gweithwyr proffesiynol ar lefelau gwahanol, a rhanddeiliaid eraill.
- Sgiliau cyfathrebu da ar lafar ac yn ysgrifenedig.
- Tystiolaeth o hyfforddiant diweddar sy'n berthnasol i'r swydd hon.
- Yn drefnus iawn ac yn gallu gweithio'n hyblyg i fodloni gofynion y swydd
- Ymrwymiad i ddatblygu eich hun yn y swydd; gan gynnwys parodrwydd i dderbyn rhagor o hyfforddiant yn ôl y gofyn.
- Gallu i ysgrifennu cynnwys clir, apelgar, sy'n hawdd ei ddeall
- Profiad o reoli llwyfannau digidol a'r cyfryngau cymdeithasol

Gofynion Allweddol - Dymunol:

- Profiad o ddylunio a chyflwyno rhaglenni hyfforddiant.
- Cymhwyster proffesiynol perthnasol.
- Gwybodaeth am ystod eang o wasanaethau sydd ar gael i blant a phobl ifanc a'u teuluoedd
- Gallu i gyfathrebu yn Gymraeg neu ymrwymiad i ddysgu gwneud hynny

Gwybodaeth Gefndir

Children in Wales – Plant yng Nghymru yw’r corff cynrychioliadol cenedlaethol o aelodau ar gyfer unigolion a sefydliadau o bob sector sy’n gweithio gyda phlant, pobl ifanc a theuluoedd yng Nghymru. Daw ein haelodau o’r sector cyhoeddus, elusennol/nid-er-elw ac annibynnol. Bydd ein gwaith wedi’i seilio ar ddull cydweithredol, sy’n hwyluso cyfleoedd i’n haelodau, ac i blant a phobl ifanc.

Byddwn ni’n gweithio tuag at gyflawni ein gweledigaeth ar y cyd â’n haelodau trwy wneud y canlynol:

- Ymgyrchu dros fabwysiadu a gweithredu Confensiwn y Cenedloedd Unedig ar Hawliau’r Plentyn yn llawn ar bob lefel o’r gymdeithas yng Nghymru.
- Herio anghydraddoldeb a hybu tegwch i’r holl blant a phobl ifanc ledled Cymru.
- Cyfuno a chwyddo llais ar y cyd dros newid trawsffurfiannol ar lefel polisi yng Nghymru.
- Hyrwyddo a chefnogi cyfranogiad plant a phobl ifanc mewn strwythurau gwneud penderfyniadau ar bob lefel o’r llywodraeth yng Nghymru
- Darparu llwyfan ar gyfer rhannu ymarfer arloesol ledled Cymru.
- Eiriol o blaid y sector(au) plant mewn meysydd blaenoriaeth.
- Darparu cyfleoedd dysgu a datblygu i’r gweithlu plant proffesiynol ar draws sectorau.
- Ymgymryd â gwaith ymchwil a’i ledaenu ymhlith ein haelodau.

Mae Plant yng Nghymru yn cyflawni nifer o weithgareddau er mwyn cyrraedd y nodau hyn. Yn eu plith mae:

- Trefnu cynadleddau a seminarau
- Darparu Hyfforddiant
- Cefnogi a datblygu rhwydweithiau a fforymau cryf
- Cynhyrchu a lledaenu gwybodaeth
- Cynrychioli’r aelodau ac ymgynghori â nhw
- Gwaith ymchwil
- Gwaith uniongyrchol gyda phlant a phobl ifanc trwy ein prosiect Cymru Ifanc

Mae Plant yng Nghymru yn gweithio mewn partneriaeth â chyrff cyfatebol yn Lloegr, yr Alban, a Gogledd Iwerddon, ac mae ganddo gysylltiadau cryf yn Ewrop ac yn rhyngwladol.

Fel corff o aelodau rydym ni’n sefydlu rhwydweithiau yng Nghymru er mwyn cynrychioli barn yr etholaeth, canfod pryderon cyffredin, ac annog gweithgaredd amlddisgyblaeth. Gall yr aelodau fod yn rhai corfforaethol neu unigol, a deuant o ystod eang o ddi-ddordebau, megis iechyd, addysg, sefydliadau gwirfoddol, gwasanaethau cymdeithasol, neu grwpiau hunan-gymorth.

Ariannir ein gwaith trwy grantiau gan Lywodraeth Cymru, rhoddwyr grantiau eraill, ac incwm a gynhyrchwn ein hunain.

Llywodraethir gwaith y sefydliad gan Fwrdd o Ymddiriedolwyr.

<http://www.childreninwales.org.uk/>